

## Kondishonnan pa inskripshon i intermediashon.

Sentro Solari ta intermediá i ta duna guia na personanan ku limitashon, pa nan haña un trabou riba merkado laboral ku ta apropiá pa nan.

Pa personanan por bini na remarke pa haña guia i intermediashon, mester tene kuenta ku e siguiente kondishonnan:

01. Solamente personanan di 18 aña bai ariba por bini na remarke pa haña guia i intermediashon na Sentro Solari.
02. Ta trata solamente formularionan ku ta yená korektamente.
03. Den sinku dia di trabou, despues ku risibí e petishon, lo bo risibí un invitashon pa hasi un registrashon personal. Durante di e kombersashon akí, un eksperto laboral lo reuní tur informashon komplementario i tambe atendé e deseonan personal di e kliente i e posibilidatnan ku por ofresé.
04. Despues ku e kliente aprobá tur su informashonnan atkerí lo traha un dosié personal di e kliente. Eventualmente kompañá e informashonnan akí ku un deklarashon di dòkter òf di e fundashon ku ta interveniendo.
05. Ekspertonan laboral di Sentro Solari lo trata bo petishon di buska sosten. Pa bo por bini na remarke pa haña guia i intermediashon, òf pa bo haña aviso pa keda mandá pa un otro instansia ta dependé di e siguiente indikadónan:
  - **Konosementu i abilitatnan/kapasidatnan.** Kua konosementu i eksperensia bo ta disponé di dje, di un manera rasonabel pa bo bini na remarke pa bo haña sierto trabou na Kòrsou?
  - **Karakteristikanan personal.** Bo ta apto pa funshoná independientemente, bo ta asumí bo responsabilidatnan komo trahadó i bo ta kuidadoso?
  - **Motivashon.** Huntu nos lo wak bo motivashon i bo fleksibilidat pa traha.
  - **Komunikashon.** Bo ta kapas pa traha huntu ku otro kolega? Bo ta habrí pa deliberá i tuma krítika i bo mes por indiká bo límite?
  - **Limitashonnan funshonal.** Te kon leu bo tin bista riba bo limitashonnan i te kon leu bo por indiká te na unda bo limitashonnan ta yega pa hasi òf pa no por hasi algu?

Den dos siman despues di e registrashon personal lo bo risibí notifikashon si bo ta bini na remarke pa haña intermediashon.
06. Si bo no bini na remarke pa haña intermediashon lo bo haña un notifikashon personalmente ku e motibunán i eventualmente lo pasa bo pa otro instansia òf komo konseho, lo bo haña otro alternativanan. Den kaso ku ta un instansia a registrá bo serka nos, nan tambe lo risibí un kopia di e notifikashon akí.
07. Komo un buskadó di trabou inskribí na Sentro Solari, nos ta ferwagt ku bo tin aktitut proaktivo. Bo mes lo buska trabounan ku ta pas serka bo i regularmente bo ta informá e eksperto ku tin bo petishon tokante di bo eksperensianan. Nan lo por yuda bo ku komplementashon di bo CV, di tuma kontakto ku dunadónan di trabou, i guia bo durante ku bo ta solisitá.
08. Aktivitatnan den kuadro di desaroyo personal pa por prepará bo mihó riba partisipashon/regreso riba e merkado laboral, lo ta obligatorio na momentu ku bo haña invitashon pa asistí na esaki.
09. Si sali na kla ku e kliente a duna informashonnan inkorekto i ku a keda sin mensioná informashonnan relevante, Sentro Solari ta den su derecho pa terminá tur aktivitatnan di sosten mesora ku e kliente.
10. Si bo ta uza droga, lo bo no bini na remarke pa haña intermediashon pa subi merkado laboral.
11. Lo trata tur informashonnan personal den privasidat i lo no pasa nan pa tersera persona sin pèrmit di e kliente.